

L A P U N T



Infuormaziuns

da la corporaziun evangelica
Ardez-Ftan-Guarda



MAI, GÜN E LÜGL 2023

Ün sguard inavo ed ün sguard inavant

Cur ch'eu scriv quistas lingias han güsta gnü lö las confirmaziuns. Ses giuvenils sun gnüts confirmats i'ls cults divins festivs da la dumengia da las palmas. Accumpognats dal chant sonor dals cors e la musica dals orgels da baselgia sun els gnüts tuts sü illa raspada dals creschüts ed han surgni ün pled biblic chi tils dess benedir e dar forza e plaschair pels prossems pass in lur vita.

Duos eivnas plü bod vaina celebrà il cult divin cumünaivel i' rom dal di da schoppa ad Ardez chi'd es eir quist on stat ün bel e divertaivel inscunter.

Uossa ans allegraina sül viadi a Genevra chi varà lö a la fin dal mais d'avrigl ed eir plü tard ans spettan bellas occurrenz.

Specialmaing lessa manzunar la Not lunga da las baselgias chi ha lö als **2 gün** per segunda jada in nos chantun sco eir in tuot la Svizra ed in blers pajais da l'Europa. La mera da quist

02.06.23

**NOTG LUNGA
DA LAS BASELGIAS**

arrandschamaint es da far novas e bellas experienzas cun ed illa baselgia. Quist on ans invida la raspada da Scuol da passantar üna sairada interessanta, diversa e richa d' inscuters suot il tema "punts". Eir pels uffants vain preparà ün program cun blers puncts

culminants. Ulteriuras infuormaziuns seguan bainbod.

Amo avant chi ha lö la Not lunga da las baselgias surgnina visitas da las raspadas da la Regiun ecclesiastica Tavau. Ad Ascensiun fan ellas lur spassegiada tradiziunala pro no a Guarda e piglian part a nos cult divin. Pro l'aperitiv chi vain sport davo predgia pudaina amo giodair l'inscunter cun noss giasts. No'ns allegrain sün ün bel avantmezdi da cumpagnia e cumünanza.



Daniela Dobler Heinrich d'Ardez cumainza als 1 mai sia piazza sco nouva secretaria da nossa pravenda. Ün cordial bivgnaint! Ella s'occupa dal secretariat sco successura da Selina Bisaz. No ingrazchain cordialmaing a la partenta per sia lavur prestada per nossa corporaziun e tilla giavüschain tuot il bun per seis avegnir.

Sco fin uossa es la secretaria raggiundschiabla per telefon: 081 860 34 10 o per e-mail: secretariat.pravenda@bluewin.ch.

Ascensiun, gövgia, ils 18 mai

Avant ün pèr eivnas es gnüda la dumonda da la Regiun ecclesiastica Tavau, schi füss pussibel da visitar nossa raspada i'l rom da lur spassegiada cumünaivla d'Ascensiun vi da tschella vart dal Flüela. No vain dat jent üna resposta positiva ed ans allegrain da bivgnantar commembers da las raspadas da Tavau i'l cult divin d'Asceniun chi ha lö a las 10.00 a Guarda. Davo es tuot cordialmaing invidà a star da cumpagnia pro ün aperitiv intuorn il bügl.



Masüras, Alp Laret da Ftan

dumengia, ils 2 lügl a las 11.30

Eir quist on es la predgia sül munt, accumpagnada d'ün bel rom musical, part dal di da Masüras sün l'Alp Laret da Ftan. No'ns allegrain da festagiar ün bel cult divin cumünaivel suot tschêl avert. Schi vess però dad esser trid'aura esa a las 11.30 predgia illa baselgia da Ftan.



Cult divin a Sur En d'Ardez

dumengia, ils 30 lügl a las 16.00

La corporaziun invida cordialmaing al cult divin cumünaivel a Sur En.



La predgia tegna rav. Margrit Uhlmann.

Davo predgia sun tuots invidats da star ün mumaint da cumpagnia intuorn il bügl pro ün aperitiv organisà da las abitantas e'ls abitants da Sur En.

Organisaziun da transport :

per Ftan/Ardez: Nataglia Blanke, tel. 081 850 22 04 e
Ciglia Florineth, tel. 081 864 10 07

per Guarda: Not Armon Willy, Natel 079 682 44 58.

Revista di da schoppa



Ün cordial “grazcha fich” pel grond sustegn cha la campagna ecumenica da HEKS e Fastenaktion davart il tema “güstia pel clima” ha surgni. Ingon vaina darcheu pudü celebrar ün di da schoppa cumünavel ad Ardez e giodü ün bun giantar cun schoppas e tuortas ed üna bella atmosfera da cumünanza. Grazcha a tuots chi han güdà e grazcha pella collecta a favur da progets chi promovuan la chüra da l’ambient e la biodiversità a Guatemala, Brasilia, Kenia e Nigeria.

Revista confirmaziun: Dumengia da las palmas, ils 02 avrigl 2023



A Guarda sun gnüdas confirmadas:
Saskia Barbüda, Sedania Angelini,
Alia Franziscus ed Ursina Bonorand



A Ftan sün gnüts confirmats:
Sandro Vonlanthen e Michel Bazzell

No giavüschain a tuots chi sun gnüts confirmats ün bun avegnir!

Concert in baselgia ad Ardez



Dumengia, 16 lügl a las 17.00

Il Duo Luschaina, Tobias e Jonas Krebs, concertescha cun seis program “Atlantis” illa baselgia d’Ardez. Els sunan tocs da diversas epocas e stils, perlas invlidadas dal s-chazi da la musica per gia e guitarra, ed ans invidan uschè sün ün viadi musical intuorn l’Atlantic. Entrada libra – collecta.


Maisas da giantar per tuots dad Ardez e Guarda

Las prosmas maisas da giantar han lö:

mardi, ils **02 mai** i'l hotel Alvetern

mardi, ils **06 gün** i'l hotel Alvetern

mardi, ils **04 lügl** i'l hotel Alvetern



Annunzchas fin il **plü tard** il di avant la „maisa“ pro Erna Fontana,
tel. 081 862 23 50. Per giasts da Guarda vegn organisà il transport.

Casualias in noss cumüns

Battaisems:

ingüns

Nozzas:

ingünas

Mortoris:

Marina Franziscus-Galli, 23.01.23, Guarda

Peider Duri Könz-Mengiardi, 11.04.23, Männedorf e Guarda



Vacanzas e congedi da nossa ravarenda

Davo set ons das-chan ils / las ravarendas in nos chantun tour ün congedi. Nossa ravarenda es in congedi dals **03 lügl fin als 26 avuost**. Dürant quist temp tilla rimplazzan rav. Margrit Uhlmann e

rav. Roland Brendle. In **lügl** es rav. Margrit Uhlman respunsabla per nossa raspada. Ella es rajiundschi sur il nomer da telefon da la pravenda.

Rav. Marianne Strub ingrazcha a sia collega e seis collega per lur sustegn e giavüscha a tuots üna buna stà.

Dals **6 fin als 9 mai** es nossa ravarenda in viadi da confirmands e davo fin als **17 mai** in vacanzas.

Dals 6 fin als 13 mai tilla rimplazza rav. Dagmar Bertram, Scuol, 081 864 12 03 per casualias e dals 14 fin als 17 mai rav. Christoph Reutlinger, Tschlin, 081 866 32 63

Vacanzas
e
congedi

Adressas:

Pravenda

Dna. rav. Marianne Strub,

Chasa da pravenda, 7546 Ardez

tel.: 081 862 23 61, e-mail: marianne.strub@gr-ref.ch

Secretariat

tel: 081 860 34 10

secretariat.pravenda@bluewin.ch

www.ardez-reformiert.ch

